

焦氏易林校略

焦氏易林校略序

世所行焦氏易林無善本宋槧亦交相齟齬蓋傳寫傳刻爲後人改竄顛倒割裂久失真矣勘以各本證以諸書參以它說而是正之庶幾其有裨乎余閉戶養疴藉校此書以遣悶者閱六七年遠紹邇接不遺餘力大率得其強半而存攷未詳者仍縣疑之或之者仍闕衍文未審所歸缺文未知所補非一卦之辭不敢妄爲離合一作某辭一作某字不容臆爲從違至卷後所附六條尤如係風捕景終不可得咎固在聞見隘學識淺亦以捄積弊難爲功耳竊謂非窮索

祕本爛孰羣書徧訪通人不能更有進境非洞曉四千九十六卦之奧旨不能復還本來面目也故曰校略云爾尙望同心匡予不逮道光二十八年太歲在戊申長至前三日東萊翟云升書

棲霞牟陌人

庭

校正崔氏易林序

附錄
簡攷

隋書經籍志載易林十六卷易林變占十六卷皆云
焦贛撰今世所傳易林本有漢時舊序曰六十四卦
變占者王莽時建信天水焦延壽之所撰也余每觀
此而甚惑焉據漢書儒林傳京房傳焦延壽是昭宣
時人何爲乃言王莽時焦延壽梁人也何故而言建
信天水王莽改千乘郡曰建信改天水郡曰填戎則
莽時有建信而無天水且二郡不相屬建信天水非
可兼稱也又其序假名費直費直生在宣元間豈知
天下有王莽時人哉云王莽時者定是東漢人語爾

牟校崔氏易林序

劉向別錄歆七略皆無易林故藝文志亦無之豈有費直表章於前而二劉尙不著錄於後耶傳稱焦延壽爲小黃令以候伺先知姦邪盜賊不得發其說長於災變分卦直日用事以風雨寒溫爲候而京房奏考功法論消息卦氣皆傳焦氏學然則焦京家法殊不似易林易林乃觀象玩辭非言災變者也何以爲焦延壽之書余竊疑此久矣未有以決之也一日檢後漢書儒林傳孔僖拜臨晉令崔駰以家林筮之又檢崔駰傳云駰祖篆王莽時爲建新大尹稱疾去在建武初客居滎陽閉門潛思著周易林六十四篇余

於是執卷恟怳忽而笑曰余乃知之矣易林者王莽時建新大尹崔延壽之所撰也新信聲同大尹形誤爲天水崔形誤爲焦崔篆蓋字延壽與焦贛名偶同寫者知有焦延壽不知有崔延壽此所以致誤也旣誤崔爲焦因復改篆爲贛下文稱贛者再本皆當作篆寫者妄改之又妄意取儒林傳語焦延壽獨得隱士之說九字附益其後而詞理不屬若贅疣然非其本文甚易見本係東漢人之筆而不著其名遭遇妄人輒加東萊費直長翁曰七字以冠之彼似見儒林傳焦京之後卽云費直字長翁東萊人也因此造意

尤蚩蚩可笑余觀文選注引東觀漢記云永平五年
秋京師少雨上御雲臺占周易卦林曰蟻封戶穴大
雨將集明日大雨詔書問沛獻王輔曰道豈有是耶
輔上言曰按易卦震之蹇蟻封戶穴大雨將集蹇艮
下坎上艮爲山坎爲水出雲爲雨蟻穴居而知雨將
雲雨蟻封穴故以蟻爲興文詔報曰善哉王次序之
以是知沛獻王輔嘗受詔次序易林矣疑舊序或出
輔手耶非耶余無以明之然要爲東漢人之筆無疑
未知傳至何時遂成譌謬加以改竄隋書經籍志輒
據之以崔篆之書嫁名焦贛遙遙千餘年遂無覺者

幸而誤序猶存俾余得尋迹所由復覩其真校書得此曠然有發蒙之樂矣古人遺蹟信不可忽雖譌謬猶足寶貴若此使余向者視爲駁文而棄置不思何由得此樂哉又使當時妄者若稍知時地將復改王莽爲宣帝改建信天水爲小黃令或爲梁國則余今日亦茫然失據無以證明而主人失書終不復還豈不惜哉賴其人不甚知書乃畱此誤證以待余之尋究也此天幸也余嘗讀後漢書方術傳云許曼祖峻字季山亦有著易林行於世峻少時遇泰山道士張巨君授以卜占之術多顯驗時人方之前世京房曼

傳峻學筮隴西太守綬筭赤蛇奇中觀其作卦應驗之意與崔篆易林實不同峻所著當是火珠林卽金錢卜數也世或謂火珠林亦傳自焦京不知乃出許季山今并當還之焦氏自是陰陽家許氏以卦爻納十二支而決吉凶是五行家崔氏廣繫辭經學支裔也豈可混乎許氏之書隋志亦名易林崔氏之書隋志名爲易林變占王俞序名爲大易通變漢序名爲六十四卦變占東觀漢記名爲周易卦林崔駰名爲家林本傳名易林皆同實余旣以兩漢書訂正舊序的知易林非焦贛書久假當歸改題曰崔氏易林又

以爲篆生無妄之世爲母兄所屈受符乃遜慚愧終身不當稱建新大尹傷其平生之志故改署曰漢涿郡安平崔篆著考論已定輒復走筆爲序以告天下後世嗜讀易林者儻有其人得余說欣然而色喜也
嘉慶二十一年丙子春三月十二日棲霞牟庭陌人撰

云升案李石

宋初太
祖時人

續博物志後漢崔篆著易

林六十四篇篆駟之祖父或曰卦林或曰象林自唐以來言易林者皆稱焦氏惟石得其實又同人之豫鼎之節云安民呼池考漢書孝平帝

紀元始二年罷安定呼池苑以爲安民縣孝平
正崔氏時在焦氏後皆是崔非焦之證也牟說
確鑿可從但相沿已久未便遽改耳

云升又識

焦氏易林校略卷一

依宋本均
六卷卷四

乾第二

乾 道陟石阪

作坂者俗凡諸本字正
俗並見者槩從其正

胡言連蹇譯

瘠且聾莫使道通請謁不行求事无功

附注文
選揚雄

解勅孟軻連蹇注連蹇言語不便利也
事實稍涉晦僻恐有疑為謬誤者間為附注後
此放

坤

招殃來螫害我邦國病在手足不得安息

下二
句蒙

之貴末句
損之困

屯

陽孤亢極多所恨惑車傾蓋亡身常憂

憂惠之
借後凡

通行借川字
槩不置辨

惶乃得其願雌雄相從

上三句下
二句謙之

震二三五六句黃
之兌末句復之晉

蒙

鵠鵠鵠鵠專一无尤君子是則長受嘉福末句乾之

蠱爾雅釋鳥鵠鵠鵠鵠作鵠者非岐出從其一是餘不置辨辨其易涵者後放此

需

目睞足動喜如其願舉家蒙寵革之隨首句上下疑脫一句

附注說文睞目動也西京雜記夫目睞得酒食

訟

罷疲古通用馬上山絕无水泉喉焦唇乾口不

能言豫之乾剝之否震之姤次句噬嗑之比

師

倉盈庾億宜種黍稷國家富有人民蕃息上二句坤

謙之恆首句比之升睽小過之咸第三句比之升謙之小畜隨之坤臨之解萃之坎漸之渙兌之升

比 中夜狗吠盜在牆外神明祐助消散皆去

首二句

句遷之升

小畜 據斗運樞順天无憂所行造德與樂竝居

益之節上

二句謙之觀頤之艮首句升之臨末句謙之觀蠱之臨頤之艮升之臨

履 空拳握手倒地更起富饒豐衍快樂无已

泰 不風不雨白日皎皎宜出驅馳通利大道

坤

否 載載古通用載後凡訓戴者竝同日晶光驂駕六龍祿命徹天

封為燕王大州之臨存考或曰言盧籍也顯有所指而不得其實者曰存考後

族此凡存考與後未詳條下之游辭姑存其說也

同人 子號索哺母行求食反見空巢一作訾弋長息

一作長息訾弋次
句第三句小畜之臨

大 有 上帝之生福祐日成修德行惠樂安且寧

謙 山險難登澗中多石車馳轆擊載重傷軸負儋

差凡蹉古通用差後躓跌蹠右足大畜之明夷姤

之坎禮曲禮連步以上注重蹉跌
也釋文蹠本亦作差同差作善者非

豫 禹鑿龍門通利水源原之俗後並同凡諸本皆

正東注滄海民得安存坎之比上

隨 乘龍上天兩蛇爲輔踊躍雲中游觀滄海安樂

長處一作民
樂安處

蠱 彭祖九子據德不殆南山松柏長受嘉福末句
乾之

蒙

臨

南山昊天刺政閔身疾悲无辜背憎爲仇

蒙之革謙

之復恆之艮

觀

江河淮濟

沛古通用濟後凡訓沛者並同

天之奧府眾利所聚

可以饒有樂我君子百福是受

否之乾謙之豫頤之坤上四句

震之隨首句

謙之小畜頤之大壯萃之坎漸之渙兌之升爾雅釋水江河淮濟爲四瀆濟作

海者非

噬

堅冰黃鳥常哀悲愁不見白粒但覩藜蒿數驚

鷺鷥爲我心憂

艮之遯歸妹上五句益之大過上二句第五句小畜之否首句

第三五句解之夫楚策黃雀因是以俯囑白粒白作甘者非

賁室如縣磬既危且殆早見之士依山谷處

剝大禹戒路蚩尤除道周匝市之俗萬里不危不殆

見其所使无所不在第四句蠱之需咸之訟豐

復三人爲旅俱歸北海入門上堂拜謁王母勞賜

我酒蒙之鼎下四句賁之井

妄无傳言相誤非干徑路鳴鼓逐狐不知迹處上二句末

句夫之既濟

畜大三羊爭雌相逐奔馳終日不食精氣勞疲兌之需上

三句坎之家人

頤純服黃裳戴上以興德義既生天下歸仁上二句末

句比之益

過大

桀跖竝處人民愁苦攤兵何糧戰於齊魯

謙之剝咸

之萃首句復之離豐之井次句蒙之豐

存考

坎

黃鳥采蓄既嫁不荅念我父兄思復邦國

吳之豫

牟氏庭云詩我行其野言采其蓬釋文蓬本又作蓄云升案一作蓄則第三章之本文蓄作菜非者

離

胎生孚乳長息成就充滿帝室家國昌富

咸

三人求橘反得丹穴女青以富黃金百鎰

丹穴以下

文證之作大栗者非求橘以丹穴證之則橘當作鐵鐵與丹皆產於土故求鐵而得丹三人求橘反得大栗蓋別爲一卦之辭也青當作清史記貨殖傳巴寡婦清其先得丹穴而擅其利數

世家亦不訾譌誤紛出存其近是者而辨正之餘不備載後放此

恆

東山西嶽會合俱食百喜送從以成恩福兌之

喜以一本作家證之與兌之臨皆當作嘉

遜

弱雞无距與鵠交關翅折目盲爲仇所傷首句下二

句訟之豫旅之小畜

壯大

隙大牆壞蟲眾木折狼虎爲政天降罪罰高弑

望夷胡亥以戮剝之中孚附注趙高弑胡亥於望夷宮見史記秦始皇本紀

晉

三癡俱走迷路失道惑不知歸反入患口

明夷

弓矢斯張把彈折弦丸發不至道遇害患大壯之明

夷

人家

三女求夫伺候山隅不見復關長思憂歎

解之家人

上三句
坤之井

暋

陽旱炎炎傷害禾穀穡人无食耕夫歎息

蹇

騎豚逐羊不見所望徑涉虎廬羝失羔亡

上二句末

句賁之中孚家人之明夷 羝失羔亡一作亡豚失羊其義尤精而羊字韻複當作羊失豚亡

解

暗昧冥語轉相詿誤鬼魅所舍誰知臥處

上二句末

句損之謙次句履之革无妄之屯明夷之復

損

姬姜祥淑二人偶

耦古通用偶後竝同

食論仁議福以安

王室

革之節

益

公孫駕驪載聘東齊延陵說產遺季紵衣

蠱之噬嗑

離之旅升之坎艮
之未濟兌之賁

丈夫孤竹之虛失婦无夫傷於蒺藜不見其妻東郭

棠姜武子以亡

需之剝睽之解
孤竹當作孤獨

姤

仁政不暴鳳凰

皇之俗
後並同

來舍四時順節民安其

處

下三
句賁

萃

孱驚恐怯任劣力薄如蝟見鵲偃視

示古通用
視後凡訓

示者
並同以腹不敢距格

比之豐
兌之隨

升

衛侯東游惑於少姬忘我考妣久迷不來

豐之
震旅

之師次句末句豫之鼎
衛侯東游當如豫之鼎作逸豫好游

困

噂噂所言莫知我垣歡喜堅固可以長安

上二
句末

句大有之屯復之頤革之損附注說文噂聚語也詩十月之交噂沓沓相對也

井 龜鳴岐山鼃應幽淵男女媾精萬物化生文王

以成爲開周庭下二句疑衍凡疑衍之文與

岐山鼃應幽淵以它本及後漢書張衡傳注所引互異參之當作龜鳴于山鼃應于淵鼃以鼃爲雌故鼃鳴而鼃應見爾雅翼

革 元黃虺隤行者勞疲役夫顛頓踰時不歸師之臨震

之艮上三句賁之小過第三句大過之損

鼎 弱足剛跟不利出門市賈无贏折亡爲患頤之剝艮

之恆節之既濟次句无妄之大過頤之需解之中孚第三句比之夬晉之鼎解之姤

震

縣貆素餐食非其安失輿剝廬休坐徒居

復之屯頤

之益中孚之睽
首句謙之坎

艮

民怯城惡姦人所伏寇賊大至入我郭郭妻子

俘

一作獲
係歸妹辭

漸

陽低頭陰仰首水爲災傷我寶進不利難生子

生子當
作坐守

歸妹

背地相憎心意不同如火與金

震之遯次句節
之巽一作乾

之艮辭
上下當有缺文

豐

太微帝室黃帝所直

值古通用直後
凡訓值者並同

藩屏周衛

不可得入常安長存終无禍患

漢之否第三句
詳遯之旅末句

屯之復否之節隨之漸剝之損大過之噬嗑井之否中孚之小過未濟之小過

旅 繭栗犧牲敬享鬼神神嗜飲食受福多孫 首句下二

句大有之大畜第三句比之需臨之蒙觀之坎艮之謙兌之咸

興 出門逢患與福為怨更相擊刺傷我手端 同人臨

次之復上三句艮之小過

兌 鵠飛中退舉事不遂朱入亂潰 上二句解之噬嗑次句賁之大

畜

渙 跛踦相隨日暮 莫之俗後竝同 牛罷陵遲後旅失利亡

雌 泰之復同人之歸妹泰之坎解之艮

節 龍角博顙位至公卿世祿久長起動安寧 龍疑當作

隆隆角猶
言隆準也

中

舜升大禹石夷之野徵詣王庭拜治水土

上二句末

句師之小畜師之漸兌之萃既濟之比

附注

路史後紀秦宓曰禹生石紐石紐山也在西番

界龍冢山之原長於西羌西夷之人也雒書云

有人出石夷石夷言石紐之夷也故吳越春秋

越王無余外傳塗

山歌曰我家嘉夷

過小

順風放火荻芝俱死三害集房叔子中傷

下三句制

之坤下二句咸之艮睽之渙

荻芝疑當作天害公羊傳襄九年

之艮作芝艾三害疑當作天害公羊傳襄九年

宋火疏春秋之義不記

人火火者皆天害也

濟既

梗生荆山命制輪班袍衣剝脫夏熱冬寒立成

枯槁眾人莫憐

大有之未濟賁之師附注
公輸子魯班見孟子離婁注

未濟

大面長頭來解己憂遺吾福子與我嘉喜

節之同人

坤第二

坤 不風不雨白日皎皎立出驅馳通利大道

乾之泰

乾 谷風布氣萬物出生萌

明古通用萌後凡訓明者竝同

庶長養

華葉茂成

次句第三句黃之小畜風見爾雅釋天明庶見史記律書

附注谷

屯

蒼龍單獨與石相觸摧折兩角

隨之蒙年云蒼龍當如升之

願作東龍荀子議兵圍居而方止則若盤石然觸之者角摧按角鹿墮龍種東籠而退耳云升

案注按角鹿墮龍種東籠云其義未詳蓋皆摧敗披靡之貌據此則龍當作籠

蒙

城上有烏自名破家招呼

呼後竝同

醜毒為國

患災

首句下二句比之睽益之坤晉書宗室傳豺狼易驚遂肆醜毒醜作醜者非

需

霜降閉戶蟄蟲隱處不見日月與死爲伍

小畜之解

大壯之頤第三句坤之隨泰之臨大壯之革末句蹇之巽

訟

天之德室溫仁受福衣裳所在凶惡不起

末句萃之

井

師

皇陞九重絕不可登謂天蓋高未見王公

比

孔德如玉出於幽谷升高鼓翼輝

輝之俗後竝同

光照

國

上二句末句同人之坎震之漸注老子上篇孔德之容注孔大也

附

小畜

五範四軌復得饒有陳力就列騶虞說喜

履之艮第

三句遯之大壯

禮少儀祭左右軌范疏軌謂

穀末范謂軌前範古通用范五範四軌言車大能容物也範作軌者非附注新書禮詩云于嗟乎騶虞騶者天子之囿也虞者囿之司獸者

也

履

四足无角君子所服南征述職以惠我國

上三句泰

之需次句蒙之觀 存考

泰

虎行相逐无有休息戰於平陸爲夷所覆

大有

次之師困之大過 平陸疑當作平城如屯等辭皆言漢高帝事

否

六龍爭極服在下飾謹慎管鑰結禁毋出

附注左傳

昭十二年裳下之飾也

同人

長男少女相向笑語析薪在克福祿歡喜

上二句臨

壯之大

大有

桀跖惡人使德不通炎旱爲殃禾穀

一作稼

大傷

上三句益之損旅之
革第二句剝之蹇

謙 修其翰翼隨風向北至虞夏國與舜相得年歲

大樂邑无盜賊升之
恆

豫 鉛刀攻玉堅不可得盡我筋力胝繭爲疾比之
大過

損之晉上二句
末句井之咸

隨 舉被一作
袂覆目不見日月衣裳簠簋就長夜室

上二句末句泰之臨次句坤
之需小畜之解大壯之頤

蠱 賊仁傷德天怒不福斬刈宗社失其邦域一作
國

大過之井
解之升

臨 白龍赤虎戰鬪俱怒蚩尤敗走死於魯首下二
句同

人之比益之比第三句蒙之坎皇覽蚩尤豕
在東平郡壽張縣關鄉城中肩髀豕在山陽鉅
野縣重聚傳言黃帝與蚩尤戰於涿鹿之野黃
帝殺之身體異處故別葬之壽張鉅野古魯地
首界首也魯首作
魚首魚口者竝非

觀

北辰紫宮衣冠立中含和建德常受天福

坤之解需

噬嗑

之夬履之需謙之坤豐之蹇
淮南子天文紫宮者太一之居也

附注

稷爲堯使西見王母拜請百福賜我喜子

明夷之萃

次句臨之履存考

賁

三二

一作

人異趣反覆迷惑一身五心亂无所得

下三句師之大畜第二三句兌之艮末句剝之歸妹

剝

南山大獍盜我媚妾怯不敢逐退而獨宿

附注爾雅

釋獸獼父善顧注猴獼也似獼猴而大能攬持人獼獼同

復眾鬼所聚反作大怪九身无頭魂驚魄去不可

以居首句否之同人坎之訟震之蒙漸之蒙旅之屯末句剥之訟復之

旅明夷之謙小過之臨

无妄延頸遠望眯目為病不見叔姬使伯心憂升之謙末

句豫之明夷大畜之兌

大畜典冊法書藏威匿字之在一作蘭臺雖遭亂潰

獨不遇災大有之恆豫之蒙大過翼之明夷中孚之恆第三句啖之益

頤自衛反魯時不我與冰炭異室仁道隔塞一作絕

井之旅首句大畜之否

過大

癰癭禿疥為身創害疾病癰殘常不屬逮

下三句大

有之大壯

坎

齊東郭盧嫁於洛都俊良美好媒利

十一作

過倍

艮之渙豐之謙存考

離

齊魯爭言戰於龍門

構之俗後並同

怨連禍三世不

安

上二句末句比之蠱同人之睽謙之咸大畜之謙中孚之謙末句咸之復小過之小畜

左傳成三年齊侯伐我北鄙圍龍盧蒲就魁門焉注門攻龍門也三世不安謂齊頃公至莊公

齊魯互相伐也齊魯作伯氏者非

咸

膏澤肥壤農人豐儉利居長安歷世无患

恆

倉盈庾億宜種黍稷年豐歲熟

孰之俗後並同

民得安

息上二句詳乾之師第三句比之升大有之噬嗑漸之損

遞 鴟鴞破斧冲人危殆賴旦忠德轉禍為福傾危

復立否之蠱隨之井革之歸妹第四句大畜之坤

壯人 歲饑无年虐政害民乾谿驪山秦楚結怨一作冤

謙之睽首句解之損附注乾谿謂楚靈王驪山謂秦始皇

晉 桷潔纍纍締結難解嫫母銜嫁媒不得坐自為

身禍比之大有大過之兌桷潔當作桷潔玉篇桷捺也潔束縛也

夷明 訾姬開門鶴鳴彈冠文章進用舞韶和鸞變古通用

鸞後凡訓三仁翼政國无災忠井之鼎訾姬當作訾星經東壁二星主文章圖書

家人

姊

元譌作姊今改正後竝同

妹合居與類相扶願慕羣醜不

離其處

上二句末句隨之无妄

睽

邯鄲反言兄弟生患竟涉憂恨卒死不還

謙之

之革 魏惠王太子申質於邯鄲譏言至罷質惠王使申將眾攻齊過宋外黃徐子曰彼利太子戰攻而欲滿其志者眾太子雖欲還不得矣遂行與齊人戰而殒事見魏策竟涉作涉叔者非

蹇

三人逐兔各爭有得變亡善走多獲鹿子

變亡當作

慶忌吳越春秋吳王閭閻內傳慶忌之勇世所聞也走追奔獸手接飛鳥

解

北辰紫宮衣冠立中含和建德常受天福

詳坤之觀

損

拜跪請免不得其哺俛眉銜指低頭北去

謙之

兔當作免哺當作通或曰兔吐之聲誤也請吐者謂請其吐食以哺人猶晉書郝鑒傳所謂以飯著兩頤邊還吐與二兒食也楊雄解嘲將相不俯眉俯俛之俗俛眉作俛首者非銜指說見小畜之益作銜枚者非

益

鶴盜我珠逃於東隅求之郭虛不見所居首句

明夷賁之无妄剝之豫附注郭虛說見小畜之晉

夬

一簣兩舌妄言謬語三姦成虎曾母投杼師之

之訟附注三姦成虎見魏策曾母投杼見史記甘茂傳

姤

孤獨特處莫與為旅身日一作勞苦首句明夷之姤益之

艮夫之益革之既濟一作伯虎仲熊德義淵闊使敷五教陰陽順序

萃

褰裳涉河水深漬多賴幸舟子濟脫无它訟之萃泰

之換觀之換賁之大過剝之賁蹇之師異之解末句離之咸姤之坎

升

憑馮之俗後竝同河登山道路阻難求事少便

困

免置之容不失其恭和謙致樂君子攸同末句履之

晉附注詩免置小序疏賢人多故免置之人猶能恭敬

井

三女求夫伺候山隅不見復關泣涕漣如上三句詳

乾之家

革

螟蟲爲賊害我五穀簞筥空虛家无所食需之明夷

首句同人之節豫之謙剝之睽井之屯鼎之未濟震之益下二句剝之睽

鼎

望尙阿衡太宰國公藩屏輔弼福祿來同上二句同

人之師觀之萃咸之井困之比末句恆之蹇晉之大有

震

三年生駒以戌為母荆夷上侵姬伯出走

需之訟否

之姬賁之復渙之訟

附注三年生駒以戌為

母謂以小生大猶宋策宋襄王時有雀生驪而

宋亡也姬伯謂魯頃公也史記魯世家

楚考烈王伐滅魯頃公亡遷於下邑

艮

塗過道塞求事不得

末句復之坎離之渙

漸

探懷得蚤所願失道无有凶憂善居漸好

歸妹

飛樓屬道趾多攪垣居之不安覆厭

壓古通用厭

為

患

豐

義不勝情以欲自傾覲利危躬折角摧頸

首句師之

履復之坤豐之漸小過之升第三句師之履下二句復之坤豐之漸小過之升

旅

潼瀉蔚蒼膚寸來會津液下降流潦滂沛

履之恒

附注公羊傳僖三十一年觸石而出膚寸而合
不崇朝而遍雨乎天下者惟太山爾注側手爲
膚案指爲寸

吳

白駒生芻猗猗盛姝赫喧

詩作恒此與禮大學同

君子樂

以忘憂

此用淇澳白駒二詩之義

兌

車馳人趨

一作趨

卷甲相仇齊魯寇戰敗於犬邱

復之小畜吳之復附注此言齊魯敗朱師於
菅見左傳隱十年敗於犬邱言起釁於犬邱也
年見八年

渙

舉首望城不見子貞使我悔生

存考

節

龍鬬時門失理傷賢內畔

叛古通用畔後竝同

外賊則生

禍難

上二句遜之明夷附注龍鬬時門見左傳昭十九年

中孚

安如泰山福喜一作祿屢臻雖有豺虎不能危身

首句同人之遯井之謙下二句同人之遯第三句否之蒙末句否之蒙益之小畜井之謙

小過

初憂後喜與福為市八佾列陳飲御諸一作嘉友

訟之坎蠱之小畜末句小畜之大過豫之萃

既濟

持刀操肉對酒不食夫行從軍少子入獄抱膝

獨宿復之剝无妄之比

未濟

陰衰老極陽建其德履離戴光天下昭明功業

不長蝦蟆代王否之无妄上四句大有之臨附注牟云一陰生而蝦蟆鳴言

與陽相代而王也

屯第三

屯 兵征大宛北出玉關與胡寇戰平城道西七日

絕糧身幾不全 首句下四句需之履鼎之无妄附注事見史記高祖本紀

乾 汎汎柏舟流行不休耿耿寤寐心懷大憂仁不

逢時退隱窮居 上四句末句咸之大過寤寐當如詩作不寐

坤 采薪得麟大命隕顛蒙雄爭名天下四分 豫之未濟

附注春秋哀十四年西狩獲麟公羊傳然則孰狩之薪采者也

蒙 山崩谷絕大 一作天 福盡竭涇渭失紀玉厯既闕

小過之節

需 夏臺羨里文王所厄 元譌作厄今改正後並同 鬼侯輸賄商

王解舍 首句无妄頤之復震之大壯旅之損訟之臨大過之師兌之頤 夏臺羨里與

无妄等辭皆雙起單承又此類甚多古人行文
無所拘忌也史記殷本紀紂囚西伯於羑里西
伯之臣闕天之徒求美女奇物善馬以獻紂紂
乃赦西伯伯則輸賄上當作周臣名作鬼侯者以
頤之復等辭
相涉而誤也

訟

泥滓汚辱棄捐溝瀆眾所笑哭終不顯錄頤之師上

二句末句
革之履

師

梅李冬實國多盜賊擾亂竝作君不能息上三句同

人之損謙之小過觀
之旅次句屯之頤

比

麀鹿逐牧安飽其居反還次舍无有疾故訟之小畜

上三句困之師
首句同人之坤

小畜

夾河爲婚期至无船搖心失望不見所歡兌之屯首

句下二句臨之小過末句
屯之蹇謙之晉渙之履

履

百足俱行相輔為強

強後竝同

三聖翼事王室

寵光

比之无妄剝之大畜遯之復晉之坤井之履巽之晉上三句中孚之兌次句比之旅

三聖疑當作四聖後漢書桓郁傳昔成王幼小越在襁保周公在前史佚在後太公在左召

公在右中立聽朝四聖維之

泰

坐位失處不能自居調攝違和

一作賊陰陽顛

倒

否

登几上與駕駟南游合縱散橫燕齊以強

泰之晉隨

之升解之成蘇秦合縱散橫約燕齊等六國以抑秦事見戰國諸策齊作秦者非

人同

三絲一作系

維弩无益於輔城弱不守邦君受討

次句喚之節

有大

河伯大呼津不可渡船空无人往來亦難

上二句姤

謙

甘露醴泉太平機關仁德感應歲樂民安

師之兌大

過之未濟咸之兌既濟之革

豫

重茵厚席循高采藿雖躓不懼反復其宅

反復當作

反復

隨

太乙駕騶從天上來徵我叔季封為魯侯

需之比否

之大壯附注史記魯世家武公九年武公與長子括少子戲西朝周宣王宣王變戲立戲為

魯太子是為懿公

蠱

南巴六安石斛戟

元譌作戟今改正說文作戟

天所指不已

耄老復丁敝室舊虛更為新家所指疑當作服

本草經石斛久服厚腸胃輕身延年名醫曰生六安又巴戟天增志益氣名醫曰生巴郡

臨家給人足頌聲竝作四夷賓服干戈韜閣否之大有

頤大壯之坤首句大畜之升家人之臨漸之節小過之恆一作屯之觀

觀東鄰嫁女為王妃后莊公築館以尊主母歸於

京師季姜說喜秦之豫否之既濟剝之无妄家人之遯一作屯之臨

當作桓為魯桓公也春秋桓八年祭公來遂逆王后於紀注王使魯公主婚故祭公來受命而

迎也九年紀季姜歸於京師注季姜桓王后也季字姜紀姓也傳凡諸侯之女行唯王后書林

注蓋以王后母儀天下為天地宗廟社稷之主主母作王母者非

嗑陳妻敬仲兆興齊姜營邱是適八世大昌上二句末

句比之豫蠱之困
遜之姤姤之師

賁路多枳棘步刺我足不利旅客為心作毒履之
遜遜

之艮家人
之艮損

剝天官列宿五神所舍宮闕完堅君安其居姤之
豐上

二句末句師之困 五神疑當作百神禮禮運
而百神職焉注百神列宿也或曰五神者月令
所言句芒祝融后土蓐收玄冥也五字不誤
附注史記自序學天官於唐都注星有尊卑若
人之官曹列
位故曰天官

復牧羊稻園聞虎喧謹畏懼惕息終无一作
免禍患

中孚之小過上二句否之節隨之漸剝之損大
過之噬嗑井之否未濟之小過末句乾之豐否
之節隨之漸剝之損大過之噬
嗑井之否渙之否未濟之小過

无妄

鳴條之災北奔犬胡左枉為長國號匈奴主君

旄頭立尊單于

明夷之升第五句觀之艮附注鳴條之災言湯放桀也漢書

匈奴傳匈奴其先夏后氏之苗裔曰淳維注以殷時始奔北邊史記天官書昂曰旄頭胡星也

大畜

克身潔己逢禹巡狩錫我元圭拜受福祐姤之未濟

萃之屯次句噬嗑之解第三句泰之益噬嗑之解禹當作舜史記夏本紀舜登庸攝行天子

之政巡狩行視鯀之治水無狀於是舉鯀子禹而使續鯀之業錫禹玄圭以告成功於天下

頤

冬華不實國多盜賊疾病難醫鬼哭其室次句詳屯

之師末句頤之需

大過

襄送季女至於蕩道齊子旦夕留連久處蹇之比困

之訟中孚之離送當作逆詩載驅首章箋襄公疾驅其乘車以入魯境魯之道路平易文姜

發夕由之往會焉正義亦云公往就文姜而文
姜來與公會也附注詩載駟首章傳發夕自
夕發至旦釋文韓詩云發旦也

坎

朽根剝樹華葉落去卒

粹古通用卒後凡訓粹者竝同

逢火焱

隨風偃仆

夫之恆民之需兌之大有次句履之震井之泰漸之家人下三句噬嗑之

否附注說文焱火華也

離

陰變爲陽女化作男治道得通君臣相承

蠱之大壯

豐之節渙之旅未濟之夬

咸

炎絕續光火滅復明簡易理得以成乾功

簡易當作

易簡易繫辭易簡而天下之理得矣

恆

多載重負捐棄於野小任其大但自勞苦

師之姤泰

之同人
損之復

遜 江河海澤眾利安宅可以富有飲御嘉客

壯大 冬采薇蘭地凍堅坼坼之俗利走室北暮无所

得恆之明夷艮之井

晉 鳥鳴嚶嚶左傳作嚶嚶天火將起燔我室屋災

及姬后中孚上二句末句兌之革左傳襄三

蠶蠶或文室蜂蠶之俗戶螫我手足不可進取

為身害速履之泰蠱之觀次句

人家 崔嵬北嶽天神貴客溫仁正直主布恩德開示

不已蒙受大福大畜之臨未濟之豐上二句第

漢書司馬相如傳闕示珍符

睽

伯蹇叔盲莫與守裝失我衣裘代爾陰鄉

鼎之離豐

之解首句否之噬嗑代爾陰鄉疑當作貨爾鄰鄉

蹇

為季求婦家在東海水長无船不見所歡

漢之履下

二句臨之小過末句詳屯之小畜

解

山陵邱墓魂魄失舍精神盡竭長寢不覺

損

蹄牛失角下山傷軸失其利祿過在誰孰

益

水載船舟无根以浮往來溶溶心勞且憂

夬

有鳥飛來集於宮樹鳴聲可惡主將出去

坤翼之

姤

東徙不時觸患離憂并泥无濡思叔舊居

无濡疑當

作无禽易鼎初六井
泥不食舊井无禽

萃

黃帝所生伏羲之字兵刃不至利以居止

履之家

恆末句履之晉大有之噬嗑謙之井臨之
頤家人之蹇漸之豐旅之家人未濟之賁

升

東山救

一作拯

亂處婦思夫勞我君子役无休已

一作止
次句家人之頤

困

躓跌未起失利後市不得鹿子

姤之蒙井漸之
翼既濟之升

井

大蛇當路使我畏懼湯火之災切近我膚賴其

天幸歸於室廬

損之比
大蛇當路止是寓言
謂漢高斬蛇其義未合使我作

使季
者非

革

從容長閑遊戲南山拜祠禱神神使无患

一作屯之

辭震

鼎

甌一作區與漢書蘇武傳同脫康居慕仁一作義

入朝湛露之

歡三爵畢恩復歸穹廬與母相扶

上五句詠之恆同人之離

非

漢書蘇武傳王賜馬畜服色穹廬穹作野者附注甌脫見漢書匈奴傳康居見西域傳

震

龜鼈列市河海饒有長錢善賈商李

理古通說用李

喜

一作屯之革辭商李商人理財者也管子法法皋陶為李注李同理李作季者非

艮

年常蒙慶今歲受福三伏采芑出軍有得

三伏猶言

六月詩小序六月宣王北伐也作三夫者非

漸

二人俱東道路爭訟意乖不同使我恟恟

恟恟當作

恟恟荀子天論君子不為小人之恟恟也而輟其行注恟恟謹議之聲

歸妹

樹我藿豆爲鹿兔食君不恤護秋无收入

豐

黃鳥悲鳴愁不見星困於鷺鷥使我心驚首句革之

畜小

旅

雙鳧俱飛欲歸稻池

范沼字之俗後竝同

經涉藿

元譌作崔亦誤

作藿與崔別今改正後竝同

澤爲矢所射傷我胷臆

否之晉謙之隨

咸之比革之无妄下四句既濟之夬末句坎之蒙

與

久客无依思歸我

一作故

鄉雷

一作霖

雨盛溢道未

得通

上二句末句泰之小畜

兌

道路闕除南至東遼衛子善辭使國无憂

存考或曰

言衛滿也

渙

同枕共袍中年分去少婦无夫獨居愁思

第三句坎

革之

節

眾神集聚相與議語南國虐亂百姓愁苦興師

征討更立賢主

无妄之家人上四句末句小畜之豫剝之未濟第五句豐之屯

孚中

北陸閉蟄隱伏不出目盲耳聾道路不通

末句夫之

中孚節之坎

癡狂妄作心誑善惑迷行失路不知南北

棟隆輔強寵貴日光福善竝作樂以高明

濟未濟既過小

變我嬰女牽衣不與冀幸高貴反得賤下

噬嗑之无

妄大過之咸

蒙第四

蒙 何草不黃至未盡元室家分離悲愁於心

乾 海爲水王聰聖且明百流歸德无有叛逆常饒

優足節下四句損之履

坤 天之所祐禍不過家左輔右弼金玉滿堂常盈

不亡富如廩倉

下四句師之歸妹隨之屯井之乾鼎之損第四句離之兌第五

句大有之革

屯 安息康居異國穹廬非吾習俗使我心憂漢之師上

二句謙之比附注安息見史記大宛傳康居穹廬說見屯之鼎

需 范公鵠夷善賈息貲東之營邱易字子皮抱珠

載金多得利歸

兌之恆次句同人之大畜遯之謙與之大有末句復之小過

附注鳴夷子皮見史記越王勾踐世家

訟

老楊日衰條多枯枝爵級不進遂乃摧隤

泰上咸上

三句賁之臨第三句大畜之小過

師

小狐渡水汚濡其尾利得无幾與道合契

第三句无

妄之歸妹

比

豕生魚魴鼠舞庭堂奸佞施毒上下昏荒君失

其邦

咸之節 牟云豕當作家云升案說文魴赤尾魚漢書廣陵厲王胥傳池水變赤魚

死有鼠書立舞王后廷中家生魚魴鼠舞庭堂蓋指其事

畜小

天地配

妃古通用配後竝同

享六位光明陰陽順序以成

和平

訟之震上三句謙之大有第三句師之

之渙

附注易乾彖傳六位時成時乘六龍以御天疏六龍即六位之龍也

履

蹠腫足傷右指病癰失旅後時利走不來

首句下二

句泰之訟困之鼎

泰

異體殊俗各有所屬西鄰孤嫗欲寄我室主母

罵詈求不可得

上五句賤之謙

否

操拒鄉畝折貨

一作祈貨

稷黍飲食充口安利无咎

附注詩采芑于此中鄉于此菑畝

同人

新受大喜

一作寵

福祿重來樂且日富蒙慶得財

首句第三句姤之蹇萃之坤

有大 舉杯梧之俗飲酒指直失取无益溫寒亡利不

歡

謙 日月相望望古通用望後凡光明盛昌三聖茂

承功德大隆上二句師之節否之賁首句噬嗑

豫 猗夫爭強民去其鄉公孫叔子戰於瀟湘一作蕭牆

考 存

隨 猿媛之俗墮高木不踐手足還歸其室保我金

玉訟之艮否之臨坎之坤上二句末句復之震益之豫

蠱 逐狐東山水遇我前深不可涉失利後便益之

之巽艮之臨漸之夬次句大畜之震蹇之歸妹第三句師之咸噬嗑之復大畜之震大壯之鼎

臨

鑿井求玉非卞

并今作弁之俗後氏與從井之字並同

辱勞无所得

需之坎謙之訟漸之師第三

云寶當作璞云升案後漢書趙壹傳良璞不剖注引琴操曰卞和得玉璞以獻楚懷王

觀

黃玉溫德君子所服甘露潺暑萬物生茂

次句詳坤

之履 君子疑當作天子禮月令中央土天子服黃玉時季夏之月土潤潺暑

噬嗑

畫龍頭頸文章未成甘言美語詭僻无名

家人之貴

震之臨巽之渙中孚之大壯上三句升之蒙

賁

招禍致凶來獎

元譌作弊今改正後並同

我邦病在手足不

得安息

首句末句損之困下二句乾之坤

剝

履位乘勢靡有絕蔽贊為隸圉與眾庶伍

上二句末

句井之同人牟云絕當作掩贊為隸圉井之
同人作爲隸所圖皆譌當作替為隸圉譌誤
各出竝存元文而
辨正之後放此

復 麀鹿雉兔羣聚東園盧黃脊白俱往追逐九齡

十得主君有喜

盧黃脊白當作

无妄

織帛未成緯盡无名長子逐兔鹿起失路後利

不得因无所據

牟云鹿當作塵

大畜

天厭

厭後竝同

周德命與仁國以禮靖民兵革

休息

无妄之否咸之蹇首句

頤 重譯置之來除我憂善說遂良與喜相求

上二句

之異置之一作買芝一作賀芝竝未詳
誤紛出無一近是可辨正者備載駁文曰未詳

後放此又凡諸本同一謬誤無從互證無從懸解者亦曰未詳

大過 膏壤肥澤民人孔樂宜利居止長安富貴一作有

家人之蒙

坎 白龍黑虎起伏暴怒戰於涿鹿蚩尤敗走同人之比

益之比末句詳坤之臨附注涿鹿說見坤之臨注

離 抱關傳言聾跛摧筋眾賤无下不安其所不疑

各附注淮南子主術聾者可令唯筋唯摧之

注櫛筋之俗也摧筋猶管子弟子職所謂折櫛

咸 憂禍解除喜至慶來坐立歡欣與樂為鄰革之屯首

句蒙之家人次句小畜之旅下三句小畜之井

恆

折鋒載受輿馬放休狩

守古通用狩

軍依營天下安

寧

末句否之明夷

遯

至德之君政仁且溫伊呂股肱國富民安

頤之豫下

三句

鼎

壯大

千里望城不見山青老兔蝦蟆遠絕无家

附注此言

對月思故鄉也

晉

有莘季女爲夏姬后貴夫壽子尊於四海

謙之旅大

壯

之隨存考

明

不虞之患禍至无門奄忽暴卒痛傷我心

大畜之師

上二句震之疊末句

姤之大畜震之疊

人家

飛鷹退去不食雉雛憂患解除君主安居

首句解之

比第三句蒙之咸

睽

踉蹌側跌申酉為祟亥戌滅明顏子隱藏

附注言顏

子當亂世也

蹇

司錄憑怒謀議无道商民失政殷人乏祀

年云司錄

當作司祿云升案周禮天府注司祿文昌第六星或曰下能也疏下能司祿為司寇商民當作商君此與屯之節等辭同義

解

望雞得雛冀

一作求

馬獲駒大德生少有廖從居

年云有廖疑當作有仍少為夏少康也事見左傳哀元年

損

切切怛怛如將不活黍稷之恩靈輒以存獲生

保年

鼎之漸

益

噂噂輯輯夜作晝匿謀議我貲來攻吾室空盡

己財幾无以食

首句第三句下二句節之艮輯輯當作沓沓說見乾之困注

夬

天之所壞不可强支眾口指笑雖貴必危

上二句末

句蠱之艮

姤

目動頰瞞喜來加身舉家蒙歡吉利无殃

第三句際

之豐震之剝目動頰瞞當作頰動目瞞殃當作患

萃

龜羹芬香染指弗嘗口飢於手子公恨饒

弗當作而

升

天福所豐兆如飛龍成子得志六二以興

六二謂十

二世也莊子胠篋田成子弑齊君十二世而有齊國二作三者非

困 岷伯以婚抱布自媒棄禮急情卒離憂悔

下三句决

之兌

井 夏姬附耳心聽說喜利以博取无言不許

兌之益

博取當作專取見禮曲禮毋固獲疏

革 南山昊天刺政閔身疾悲无辜背憎爲仇

詳乾之臨

鼎 三人爲旅俱歸北海入門上堂拜謁王母勞賜

我酒

詳乾之復

震 陽淫旱疾傷害稼穡喪制病來農人无食

次句臨之

恤歸妹之隨末句小過之革制當作利

艮 攬飯把肉以就口食所往必得无有虛乏

漸

鳥飛无翼兔走折足雖欲會同未得所欲

上三句恆

之解渙之觀上二句責之比

歸妹

體重飛難不得踰關行坐憂愁不離室垣

首句末句

震之鼎旅之无妄

豐

四雄竝處人民愁苦難兵西東不得安所

次句詳乾

之大過 四雄當作七雄文選張衡東京賦七雄竝爭注七雄謂韓魏燕趙齊楚秦也

旅

譯重關牢求解已憂心感乃成與喜俱居

末句疊之

吳

吳

患解憂除王母

一作良友

相於與喜俱來使我安居

附注相於猶相依也孔融書舉梧相於

兌 冬生不華老女无家霜冷蓬室更爲枯株

渙 震慄恐懼多所畏惡行道畱難不可以步既濟離

次句漸之无妄

節

三人一作夫共妻莫適爲雌子无名氏翁一作公不

可知

中孚

早凋被霜華葉不長非時爲災家受其殃末句并之

解

小過

雉兔之東虎狼所從一作食貪饕凶惡不可止息

首句兌之旅

既濟

馬驚破車主墮深溝身死魂去離其室廬上三句升

比之

齊木

山林麓藪非人所處鳥獸无禮使我心苦

明夷之離

蹇之无妄末句咸之旅

焦氏易林校略卷二

需第五

需

久旱三年草木不生粢盛空乏无以供靈

下三句无

妄之革

乾

火滅復息君明其德仁人可遇身受利祿

一作福

坤

溫山松柏常茂不落鸞鳳

一作風

所以一作

庇得其

歡樂

鼎之泰翼上二句末句否之恆次句離之比

屯

一作西

誅不服恃強負力倍道趨

一作奔

敵師徒

敗覆

益之同人翼之家人存考

蒙

三塗五獄陽城太室神明所保獨无兵革

大有之觀

上二句末句明夷之震首句大畜之比次句第

四句噬嗑之井

五當作四左傳昭四年四嶽

訟 三年生駒以成爲母荆夷上侵姬伯出走

詳坤之震

師 鳧游江海沒行千里以爲死亡復見空桑長生

樂鄉

臨之萃首句噬嗑之大畜

附注空桑

比 太乙駕驪從天上來徵我叔季封爲魯侯

詳屯之隨

小畜 紆績獨居寡處无夫陰陽失志爲人僕使

履 兵征大宛北出玉門與胡寇戰平城道西七日

絕糧身幾不全

鼎之元妄首句下四句屯

泰 楚靈暴虐罷極民力禍起乾谿棄疾作毒扶杖

奔逃身死亥室

否

雌單獨居歸其本巢毛羽顛顛志如死灰

咸

同人

兩矛相刺勇力鈞

均古通川鈞後凡訓均者竝同

敵交綏結和

不破不缺

末句同人之噬嗑未濟之謀

左傳

軍為綏綏作援者非

大有

乘船渡濟載水逢火賴幸免患

一作禍

蒙我生全

上二句頤之謙坎之大壯末句頤之謙

謙

裒寵溢尤敗政傾家覆我宗國秦滅周室

鼎之咸

附注溢尤見左傳昭三年秦滅周室言平王封秦以岐西之地而周室故都滅也見史記周本紀

豫冬无藏冰春陽不通陰流爲賊國被其殃

隨田鼠野雞意常欲逃拘制籠檻不得動搖夫之謙吳

之隨既濟之噬嗑次句
晉之大畜革之未濟

燕佩玉纈元誤作纈與纈別
今改正後詩同 兮无所繫之旨酒一

盛莫與笑語孤寡獨特常愁憂苦上二句剝之
震第四句歸

履妹之

臨沒游源口求鮫爲寶家危自懼復出生道牟云
家當

作蒙

觀河水孔穴壞敗我室水深无岸魚鼈傾側離之
艮

噬嗑教羊逐兔使魚捕鼠任非其人費日无功不免

辛苦旅之噬嗑上三句末句損之歸妹第四句坎之鼎

賁 升戶入室就溫煖一作燠食冰凍北陸不能相賊

剝 孤竹之虛失婦无夫傷於蒺藜不見其妻東郭

棠姜武子以亡詳乾之夬

復 凶變災殃日益明彰禍不可救三郤夷傷噬嗑之剝

復之同人姤之泰 附注左傳成十七年晉殺其大夫郤錡郤犇郤至

无妄 載璧秉圭請命於河周公作誓沖人瘳愈上二句末

句同人之晉離之否首句大畜之中孚 附注史記魯世家成王病周公自揃其蚤沈之河與

書金縢是二事此言載璧秉圭故金縢文耳

大畜 烏升鵲舉照臨東海龙降庭堅為陶叔後封圻

英六福履綏厚

謙之頤上四句末句觀之頤中孚之小畜第三句晉之井艮之

歸妹

上二句

疑衍

年云此

足徵

左傳杜注

以庭堅為

皋陶字之謫

之謫

危坐至暮

請求不得

膏澤不降

政戾民忒

泰之離割

頤

危坐至暮請求不得膏澤不降政戾民忒

泰之離割

之頤漸之坎既濟之

遜次句塞之既濟

過大

宜昌娶婦東家歌舞宴樂有序長安嘉喜

上二句同

人之妬

坎

鑿井求玉非卞氏寶身困名辱勞无所得

詳蒙之臨

離

鵠思其雄欲隨鳳東順理羽翼出次須日中畱

北邑復反其室

明夷之益益之觀豐之泰上五句中孚之歸妹末句坎之咸家

人之解

咸

早霜晚雪傷害禾麥損功棄力飢无所食

比之

之蠱豐之離兌之師末句否之頤恆之家人損當作捐

恆

蟻螺生子深目黑醜雖飾相就眾人莫取

觀之无妄

上二句末句遯之剥次句噬嗑之萃革之鼎螺當作蠃爾雅釋鳥蝙蝠注齊人呼之爲蠃蠃

遯

去如飛鴻遯凶直東遂得全脫與福相逢

末句恆之

革

壯大

婚姻合配同枕共牢以降休嘉子孫封侯

晉

咸陽辰巳長安戌亥邱陵生止非魚鱸市可以

遯水終无悔咎

上五句恆之謙存考

夷明

螟蟲爲賊害我五穀簞笥空虛家无所食

詳坤之革

人家

謝恩拜德東歸吾國慷慨宴笑歡樂有福

上二句訟

之中爭漸之革末句漸之革

睽

齋只贖狸不聽我辭繫於虎須牽不得來

同人否

隨之師剝之蒙萃之蹇震之咸與之需上二句末句否之革

蹇

比目附翼歡樂相得行止集同終不離忒

首句比之

離同人之兌損之隨困之咸艮之漸渙之明夷節之隨未濟之訟

解

一指食肉口无所得染其鼎鼎舌饑於腹

頤之離損

之鼎附注此與蒙之萃同義

損

曳綸江海

一作汀洲

釣挂

挂古通用挂後凡訓挂者並同

魴鯉王孫

列俎以享仲友

首句下二句豐之坤下三句未濟之豫牟云仲當作眾

益 商紂牧野顛敗所在賦斂重數黎元愁苦第三句否

之豐復之
兌晉之復

史 北辰紫宮衣冠立中舍和建德常受天福詳坤之觀

姤 尙勇輕戰不知兵權爲敵所制從師北奔

萃 大口宣舌神使伸言黃龍景星出應德門與福

上堂天下安昌大有之蠱

升 凶子禍孫把劍向門爭訟謹囂驚駭我家

困 祝伯善言能事鬼神辭祈萬歲使君延年次句咸之

臨

井 珪璧琮璋執贄摯之俗後竝同見王百里甯戚應聘齊

秦否之訟漸之履未濟之革

革

味暮乘車履危蹈溝亡失裾

說文作褰

襦摧折兩軸

睽之履首句離之咸姤之坎

鼎

膠著木連不出牢關斯饗羔羊家室相安

上二句末

句解之坤

震

卷舌遜世仁德不害三聖攸同周家茂興

秦之

益之隨

此非一卦之辭

附注新論慎言天有卷舌之星人有緘口之銘所以警佻言防口

說也三聖說見屯之履

艮

黍稷禾稻垂秀方造中旱不雨傷風枯槁

上三句晉

之比首句下二句剝之蠱

附注方造即詩大田既方既阜左傳昭七年士臣阜注阜造也造

成事也音義

同故借用

漸

冠帶南游與福喜逢微於嘉國拜為公卿

首句第三

句无妄之頤坎之井漸之解既濟之蠱

歸妹

一巢九子同公共母柔順利貞出入不殆福祿

所枉

大畜之蠱第三句履之咸隨之睽蹇之恆解之恆姤之乾困之乾末句鼎之睽漸之

歸妹

豐

韓氏長女嫁於東海宜家富主柔順以居利得

過

一作倍末句比之觀无妄之升益之晉存考

旅

因禍受福喜盈我室所願必得

上二句益之離渙之蒙既濟之

師首句頤之解

與

晉平有疾迎醫秦國病乃大患分爲兩豎逃匿

膏肓和不能愈

次句離之賁作緩見左傳成十年此與離之

賁鼎之復昭元年事相涉而誤也

兌

牡飛門啟憂患大解修福行善不爲身禍

上二句末

句同人之夫漸之坤次句第四句革之豐附注漢書五行志長安城門門牡自亡注牡所以

者下閉

渙

追亡逐北至止而得稚

穉之俗後並同

叔相呼反其室

廬

上二句鼎之革渙之臨未濟之大過

節

鳥鳴葭端一呼三顛動搖東西危慄不安靈祝

禱祉疾病无患

上三句下二句復之井上四句兌之渙

中孚小過

爲虎所齧泰山之陽眾多從者莫敢救藏漢之剝

焱風忽起車馳揭揭棄古追思失其和節憂心

惓惓下四句啖之大過漢之乾焱當作焱焱風卽詩匪風飄兮之飄禮月令焱風暑雨

總至釋文文本又作飄附注此互用詩匪風首章次章之文也揭揭詩作偈兮漢書王吉傳作

揭兮詩攷云王吉學韓詩棄古者疏所謂周之政令棄而不行也

既濟

游居石門祿安身全受福西鄰歸飲玉泉履之訟既

濟之乾附注游居石門謂論語石門之晨門賢而隱於抱關者也

未濟

登高上山見王自言申理我冤得職蒙恩比之未濟

萃之震首句无妄之泰第三句訟之屯

訟第六

訟

文巧俗弊將反大質僵死如麻血流漂櫓

一作杵

皆知其母不識其父干戈乃止

疑非一卦之辭附注說文櫓

大盾也或

文作櫓

乾

文王四乳仁愛篤厚子畜十男无有折夭

頤之節益

鼎之蒙次句晉之損子當作字說文字乳也

坤

日入望車不見子家長女无夫左手搔頭

屯

東上泰山見堯自言申理我冤以解憂患

首句同人

之需臨之升剝之解大畜之大有蹇之升渙之豐第三句詳需之未濟堯當如需之未濟作

王

蒙

發軫溫陽過角宿房宣時布和无所不通

解之與末

句離 文選七發菱軫谷分注引許慎淮南注
軫轉動也發軫溫陽過角宿房言春氣動而行
於東方也發
作奎者非

需 引髯牽須雖拘无憂王母善禱禍不成災 末句謙之

節坎之大有明
夷之訟萃之豫

師 鳧得水沒喜笑自啄毛羽說澤利以攻玉 末句未詳

比 水流趨下遠至東海求我所有買魴與鯉 損之需既

濟之隨上三句泰之大
壯益之无妄姤之否

畜小 麋鹿逐牧安飽其居反還次舍无有疾故 詳屯之比

履 樹植藿豆不得芸 藟古通用芸 鋤王事靡盬秋无所

收 第三句旅之
漸渙之復

泰

弱水之右

一作西

有西王母生不知老與天相保

既濟之大畜
下三句臨

否

數窮廓落困於歷室卒登玉堂與堯侑食

大壯之升

末句大過之鼎
曆室注曆歷也索隱

附注史記樂毅傳故鼎反乎
亦宮名職國策作廡

也

同人

子鉏執麟春秋作經元聖將終尼父悲心

小畜之坤

同人之頤豫之大有革之震
兌之坤 下二句當倒轉

大有

尹氏伯奇父子生離无罪被辜長舌所為

上三句家

人之謙中孚之井 附注文選馬融長笛賦彭
胥伯奇注引琴操尹吉甫有子伯奇伯奇母
更娶後妻諸伯奇於吉甫吉甫放伯奇於野

謙

蟠木折枝與母別離九皋難和絕不相知上二句末

句大有之坤漸之謙旅之大過未濟之困 云蟠當作攀附注詩鶴鳴鶴鳴于九皋易中

孚九二鳴鶴在陰其子和之

豫

弱雞无距與鵲格鬪翅折目盲為仇所傷旅之小畜

首句下二句乾之遯

隨

甲乙丙丁俱歸我庭三丑六子入門見母益之賁

三丑六子疑當如蹇之小畜作三孫六子明唐琳王占驗云云不足據也 附注甲乙丙丁次

第之名猶言伯仲叔季也或曰殷以生日名子見白虎通姓名

蠱

桑葉腐蠹衣敝如絡女工不成絲布為玉否之咸晉

之豫第三句訟之渙否之中孚

臨

開牢闢門巡狩釋冤夏臺羨里湯文說喜

下三句大

過之師兌之頤第三句詳
屯之需巡狩當作逢時

觀

欽明之德坐前王食必保嘉善

一作美

長受安福

噬嗑

武夫司空多口爭訟金火當戶民不安處年饑

无有

第四句疊之晉艮
之家人存考

賁

紫閣

一作闕

九重尊嚴在中黃帝堯舜履行至公

冠帶垂衣天下康寧

剝

負牛上山力劣行難烈風雨雪遮遏我前中道

復還憂者得歡

同人之无妄豐之既濟上五句旅之睽

復

蹇兔缺脣行難齒寒口痛不言為身生患

无妄合體比翼嘉耦相得與君同好使我有福

大畜憤憤不說憂從中出喪我寶貝无妄失位訟之升下

三句中孚之大過

頤兩心不同或欲西東明論終日莫適所從隨之兌

大過啞啞笑言與喜飲食長樂行觴千秋起舞拜受

大福无妄之履咸之剝

坎初憂後喜與福爲市八佾列陳飲御諸友詳坤之小

過

離西徙无家破其新車王孫失利不如止居

咸鳳凰在左麒麟處右仁聖相遇伊呂集聚時无

殃咎福為我母

同人之旅末句大畜之渙

恆

甌脫康居慕仁入朝湛露之歡三爵畢恩復歸

穹廬

詳屯之鼎據屯之鼎同人之離末句下疑脫一句

遯

疾貧望幸行販市井開牢擇羊多得大牂

否之坎決

之觀革之同人

壯大

處高不傷雖危不亡握珠懷玉還歸其鄉

次句訟之

明夷兌之歸妹第三句復之震蠱之豫

晉

右手棄酒左手收盤行逢禮御餌得玉栢

夷明

養虎牧狼還自賊傷大勇小捷雖危不亡

上句兌

之歸妹末句訟之大壯兌之歸妹

人家

戴堯扶禹松喬彭祖西過王母道路夷易无敢

難者

離之剝損之離夫歸妹之
升上二句下二句師之離

睽

秋冬探巢不得鵲雛銜指北去愧

一作慙

我少夫

師之革觀之
屯革之復

蹇

兩羝三牂俱之代鄉畱連多難損其食糧

代故幽州

地作我
者非

解

南徙无廬鳥破其巢伐木思初不利動搖

損

爭訟不已更相談詢張季弱口被髮北走

大畜之家

人明夷之臨
談詢當作談詢楚辭九思違羣
小兮謏詢注謏詢恥辱垢陋之言也荀子非十
二子無廉恥而忍謏詢注謏
詢謏辱也說文謏或從莫

益 延頸望酒不入我口初喜後否利得无有

上二句履

之萃无妄之大畜歸妹之兌旅之蠱末句履之萃无妄之大畜大過之旅歸妹之兌旅之蠱

丈 被髮傾走寇逐我後亡失刀兵身全不傷

姤 麟鳳所游安樂无憂君子撫民世代千秋

次句恆之

坎升之蹇

萃 褰裳涉河水深漬多賴幸舟子濟脫无它

詳坤之萃

升 憤憤不說憂從中出喪我寶貝无妄失位

詳訟之大畜

畜

困 絆跳不遠心與言反尼父望家菑

元譌作菑今改正後並同

菑未華

上二句末句震之泰

井

大壯肥牝惠我諸舅內外和睦不憂飢渴

牟云壯當

牝作

革

黃裳建元文德在身祿若陽春封為魯君

上二句離

之小過艮之兌 魯君離之小過 艮之兌作齊君必有一誤存考

鼎

虎聚摩牙以待豚豬往必傷亡宜利止居

末句恆之

大過困之蹇 中孚之復

震

天地配享六位光明陰陽順序以成和平

詳蒙之小

畜

艮

猿墮高木不踐手足保我金玉還歸其室

詳蒙之隨

漸

營室紫宮堅不可攻明神建德君受大福

歸妹

孤翁寡婦獨宿悲苦目張耳鳴无與笑語次句

句歸妹之履

豐

低頭竊視有所畏避行作不利酒酸魚敗眾莫

貪嗜

鼎之解旅之益中孚之咸小過之豫次句噬嗑之節晉之頤損之小畜艮之大畜

旅

載金販狗利棄我走藏匿淵底悔折爲咎隨之革震

之復次句同人之乾末句无妄之渙

巽

行觸大忌與司命忤悟之俗後竝同執囚束縛一作拘

一作制於吏剝中孚之震

兌

執玉歡喜佩之解孿危詳及安使我无患未句

蹇坎之中孚年云詳當作恙及當作反

渙 機杼紛騰女工不成長妹許嫁衣无襦袴聞禍

不成凶惡消去

次句詳訟之蠱下二句衍文宜刪

節 金人鐵距火燒左右雖懼不恐獨得全處

中孚 謝恩拜德東國吾國舞蹈欣躍歡樂受福

上二句詳

需之家

過小 青牛白咽呼我俱田歷山之下可以多耕歲樂

時節民人安寧

觀之否夬之師第三句觀

既濟 白雉羣雉慕德貢朝湛露之恩使我得歡

附注周公

居攝越裳國獻白雉見後漢書南蠻傳

未濟 避患東西反入禍門糟糠

糠之俗後並同

不足憂動我

心鼎之巽上二句末句否之需

師第七

師 鳥鳴呼子哺以酒脯高樓之處來歸其母咸之屯

乾 一簣兩舌妄言謬語三姦成虎曾母投杼詳坤之夬

坤 春桃生華季女宜家受福多年男爲封一作邦君

否之隨謙之夬噬嗑之既濟大過之蹇解之歸妹第三句觀之恆

屯 殊類異路心不相慕牝牛牡毅獨无室家大有之漸

革之蒙火句頤之巽

蒙 折葉蔽目不見稚叔三足孤鳥遠其元夫上三句臨

之震睽之夬渙之睽上二句中孚之需第三句小畜之未濟噬嗑之鼎坎之渙 鷗冠子天則

一葉蔽目不見太山目作日者非 稚當如坎之豫作歡

需

雀行求粒誤入網罟賴逢君子脫復歸息

首句第三

句益之革

訟

王孫貴子相與爲友明允篤誠升擢薦舉爲國

幹

一作藩

輔

觀之師上四句同人之小過咸之謙此言八愷也貴當作帝

比

削樹无枝與子分離飢寒莫養獨立哀悲

大有之大

過

小畜

舜升大禹石夷之野徵詣玉闕拜治水土

師之漸兌

之萃既濟之比上二句末句詳乾之中孚附注水經河注積石國金臺玉闕天帝君治處也

履

義不勝情以欲自營覬利危躬滅君令名

上三句詳

復之坤首句第
三句坤之豐

泰

三人北行六目光明道逢淑女與我驥子

始之升震

謙之

否

拜

元壽作拜今改正後竝同

張烏號設射天狼柱國雄勇闕

死榮陽

无妄之復井之大過上三句噬嗑之旅 存考

同人

季姬踟躕

時蹢躕之俗後竝同

結紵待時終日至暮百兩

不來

第三句否之噬嗑同人之隨謙之與觀之節頤之井大過之家人大過之艮解之否

書馬援傳

施紵結紵

有大

鴻雁翩翩始怨勞苦災疫病民鰥寡愁憂

此用鴻雁

首章詩義後當作殷

謙

儻耳穿胸

匈胃之俗後竝同

僵離有春天地易紀日月

更始

剝之乾无妄之乾釋地疏變者慢也

其類有八李巡曰一日

天然二日咳首三日焦僬四日歧踵五日穿胃六日儻耳七日狗軹八日有春

豫

北山有棗使君壽考東嶺多栗宜行賈市陸梁

雌雉所至利喜

艮之師次句臨之蒙復之賁兌之咸第四句復之賁大過之恆

吳之損未濟之益第五六句復之賁

衍文宜刪凡衍文不載異文不辨譌不附注

隨

干旄旌旗執幟在郊雖有寶珠

一作玉

无路致之

履之解

豫之中孚解之未濟旗當如詩作旗

蠱

清潔淵塞爲讒所言證訊詰問繫於枳溫甘棠

聽斷昭然蒙恩

旅之解行露全篇之義

存考或曰此蓋用詩惟枳溫皆魏地

為難通或
自誤耳

臨 元黃虺隤行者勞罷役夫顛頓踰時不歸詳乾之革

觀 庸敏之德發憤忘食虜豹禽越為王得福大有之困

中孚之巽 豹越謂魏豹彭越
事見史記本傳越作說者非

嗑 采唐沫鄉要期桑中失信不會憂思約帶蠱之謙臨

之大過无妄
之恆巽之乾

賁 伯寧子福惠我邦國蠲除苛殘使季无患牟云伯寧

子福當作
百寧千福

剝 讒父佞雄賊亂邦國生離忠孝敗困不福

復 淵泉隄防水道通利順注湖海邦國富有

无妄

江南多蝮螫我手足冤煩詰屈痛徹心腹

夫之革次

句詳屯之明夷

冤煩當作煩冤楚辭九章煩

冤贅容東方朔柏梁詩迫窘詰屈幾窮哉詰作

結者

非

大畜

三人俱行別離獨食一身五心反覆迷惑亂无

所得

上四句兌之艮首句同人之豐剝之巽剝之歸妹復之中孚革之恆歸妹之中孚渙

之大有中孚之漸次句剝之同人兌之復第三五句剝之歸妹下三句坤之賁

頤

鴉

雅之俗後竝同

鳴庭中以戒災凶重門擊柝

柝之俗後竝同

備憂暴客

大過之渙下三句旅之困

功成事就拱手安居立德有言坐飭貢賦

坎

國亂不安兵革為患掠我妻子家中飢寒

第二三句

大壯之賁
震之賁

離 戴堯扶禹松喬彭祖西遇王母道路夷易无敢

難者 上二句下二句
詳訟之家人

咸 長尾委蛇畫地成河深不可涉絕无以北惻悵

一作噴息 噴 噓之復大壯之鼎第三句詳蒙之
然 晏子雜篇噴然而歎說文噴太

息也作
憤者非

恆 乘龍從蛻 霓古通用
蛻後竝同 徵詣北闕乃見宣室拜守

東域鎮慰黎元舉家蒙福 附注漢書天文志抱
珥蜺注雄曰蜺雌

日蜺如淳曰蜺讀曰蜺東方
朔傳宣室者先帝之正處也

遯 土與山連終身无患天地高明萬歲長安 首句
剝之

履次句并
之大壯

壯大

久旱水涸枯槁无澤虛修其德未有所獲

次句末句

翼之同人
未濟之井

晉

依天倚地凶危不至上清下淨受福大明君受

其利

下二句當有一衍文宜
剛一無受福大明句

夷明

火烈不去必瘡僵仆燔我衣裾禍不可悔

人家

配合相迎利之四鄉欣喜夷澤所言得當

大畜之小

畜益之謙上二句大有之兌次句益之復萃之
比翼之小過 牟云夷澤益之謙作爽澤皆譌

當作夷澤云升案
詩商頌亦不夷澤

睽

清人高子久屯外野逍遙

消搖之俗
後並同

不歸思我

慈母

觀之升貴之良大畜之解遷之鼎

蹇

武庫軍府甲兵所聚非里邑居

一作非里

不可舍

止

鼎 姤之

解

三德五才和合四時陰陽順序國无咎災

第三句詳

蒙之小畜

損

解衣毛羽飛入大都晨門戒守鄭忽失家

存考或曰

入大都謂鄭忽救齊也晨門謂封人祭仲仲立忽而宋執仲使立突曰不立突將死仲以突歸而立忽之初心而迫於宋致忽失家也解當作鮮

益

削根燒株不生肌膚病在心腹日以焦枯

恆之大壯

震之需第三句升之損

夬

文山紫芝雖梁朱草長生和氣福祿來處

同人剝

豐之家入渙之節末句噬嗑之晉附注穆天子傳天子游于文山取采石馬雖梁二州名

姤

多載重負捐棄於野小任其大但自勞苦

詳屯之恆

萃

鳧雁啞啞以水為宅雌雄相和心志娛樂得其

所欲

大有之歸妹大畜之鼎第四句否之師豫之大過震之屯末句大畜之蒙漸之艮

升

耳目盲聾所言不通佇立以泣事无成功

末句晉之

家人

困

天官列宿五神所舍宮闕堅固君安其居

上二句末

何詳屯之剝

井

范子妙材戮辱傷膚後相秦國封為應侯

大畜之剝

革

秋冬探巢不得鵲雛銜指北去慙我少夫

詳訟之睽

鼎

子畏於匡阨困陳蔡明德不危竟自免害

一作竟脫

厄害大過之晉兌之泰渙之坎

震

鴻飛遵陸公歸不復仲氏任只伯氏客宿

上二句末

句剝之升損之蹇漸之否中孚之同人下二句與上二句文義不屬疑本止三句末一句如詩作於女信宿後人脫去末句誤以它卦二句當之而剝之升等辭又脫去仲氏任只一句也

艮

鶴鳴九皋避世隱居抱朴

樸古通用朴

守真竟不隨

時

首句无妄之解

漸

舜升大禹石夷之野徵詣玉闕拜治水土

詳師之小畜

畜

歸妹

左輔右弼金玉滿堂常盈不亡富如廩倉

詳蒙之坤

豐

崔嵬北嶽天神貴客開示不已蒙被恩德

上三句詳

屯之家人末句履之咸蹇之恆姤之乾困之乾

旅

空槽住豬豚彘不至張弓祝雞雄父飛去

謙之艮咸

之困住伺之譌也附注祝雞也說文雞呼雞重言之讀若祝

翼

胡俗戎狄大陰所積固冰沍寒君子不杵

震之解既

濟之謙

兌

甘露醴泉太平機關仁德感應歲樂民安

詳屯之謙

渙

惡來呼伯煩驚外客甲守閉宅以備凶急臨折

之憂將滅无災

年云甲守當作申守云升案左傳咸十六年公又申守而行臨

折當作陵折史記外戚世家修
成子仲驕恣陵折吏民皆苦之

節

日月相望光明盛昌三聖茂功仁德大降否之

二句詳蒙之謙首
句末句噬嗑之需

中孚

葛藟蒙棘華不得實譏佞亂政使忠壅塞
泰之

之明夷噬嗑
之坎節之蹇

小過

鄰不我顧而望玉女身多癩疾誰肯何之俗
婦

者噬嗑之睽上二句損之中孚首句
隨之豐末句隨之豐損之中孚

既濟

精誠所在神人爲輔德教尙忠彌世長久三聖

乃興多受福祉革之

未濟

鑽木取火掘地索泉主母飢渴手爲心福第三

之貴福當作便利也晉語上下左右相心目用而不倦身之利也上貳代舉下貳代履周旋變動以役心目注
上貳手下貳足

比第八

比 鹿得美草鳴呼其友九族和睦不憂飢乏明夷之蹇

益之恆上三句向人之蹇

乾 繼祖復宗追明成康光照萬國享世久長下三句觀

坤之

坤 麟子鳳雛生長嘉國和氣所居康樂溫仁邦多

聖一作哲人一作漸之

屯 灼火泉源釣魴山巔魚不可得炭不可一作然

小畜之屯革之艮鼎之
旅第三句大畜之豐

蒙

彭生為妖

說文作娛

白虎行災盜堯衣裳桀跖何兵

青禽照夜

一作火

三日夷傷

首句第三五句革之
大過鼎之遯旅之遯

文

青禽疑當作青禽說
爻爻鬼火也俗作燐

需

黍稷醇醲敬奉山宗神嗜飲食甘雨嘉降黎庶

蕃殖獨蒙福祉

上四句觀之坎艮之
謙第三句詳乾之旅

訟

李華再寶鴻飛降集仁哲以興蔭國受福

小畜
離

上二句末句豫之小
過上三句離之睽

師

千歲之虛大兵所屠不見子都城空无家

第三
句離

比之

畜小

公子王孫把彈攝丸發輒有獲室家饒足井之

之豫首句趣之謙與之大有第三句剥之大壯既濟之履

履

驪姬讒喜與二嬖謀譖啄一作殺恭子賊害忠孝

申生以縊重耳奔逃隨之震注漢書外戚傳燕飛來啄

皇孫皇孫

泰

長生無極子孫千億柏柱載梁堅固不傾大有

臨之觀觀之損

否

失意懷憂如幽狴牢亡子喪夫附託寄居

同人

仁智隱伏麟不可得龍蛇潛藏虛居堂室首句大畜

之坎益之巽

有大

桐潔纍纍締結難解嫫母銜嫁媒不得坐自爲

身禍

詳坤之晉

謙

鳥飛墜

殊之俗後竝同

木不毀頭足保我羽翼復歸其

室

末句鼎之革渙之臨未濟之大過

豫

陳妻敬仲兆興齊姜乃通

一作寓

營邱八世大昌

蠱之困遯之姤姤之師上二句末句屯之噬嗑

隨

過時不歸雌雄苦悲徘徊

裴回之俗後竝同

外國與母

分離

豫之大壯咸之遯小過之艮首句泰之家人

蠱

齊魯爭言戰於龍門搆怨結禍三世不安

同人之睽

中孚之謙上二句末句詳坤之離

臨

府藏

庫藏字之俗後並同

之富王以振貸捕魚河海笱網

多得

同人之益坎

之大過損之睽震之訟第三

振貸之

觀

鳴鶴北飛下就稻池鱸鮪鯉眾多饒有一笱

獲兩利得過倍

下四句益之晉末句詳需之豐

噬嗑

蒼梧鬱林道易利通元龜象齒寶貝南金爲吾

福功

第三句中孚

賁

兩火爭明雖鬪不傷分離且忍全我弟兄

剝

伯夷叔齊貞廉之師以德防患憂禍不存

泰之乾萃

之解革之否歸妹之臨節之益中孚之解

復季去我東髮櫛如蓬展轉古通用轉空牀內懷憂

傷一作黃辭季當作伯詩伯兮自伯之東

九妄百足俱行相輔為強三聖翼事王室寵光詳屯之履

大畜墜遏隄防水不得行火盛陽光陰蜺伏藏退還

其鄉上四句无妄之同人離之謙姤之謙

頤騰蛇乘龍年歲饑凶民食草蓬首句末句豫之頤爾雅釋魚

騰騰蛇釋文字又作騰作騰者非淮南子主術蟠蛇游霧而動

大過鉛刀攻玉堅不可得盡我筋力胝繭為疾詳坤之豫

坎坎恆山浦壽高阜所在陰氣不淋洪水不處牢人

開戶上四句剝之夬末句疑當如剝之夬作附注漢書地理志常山郡靈

壽浦
吾

離

比目附翼來安吾國福喜

一作善

上堂與我同牀

損之隨困之咸未濟之訟上二句末句同人之兌首句詳需之蹇

咸

杜口結舌心中怫鬱去災生患无所告冤

否之井首

句否之異

恆

牽尾不前逆理失臣忠莫往來惠朔以奔

上二句末

句明夷之大畜革之晉附注衛惠公名朔事見左傳桓十六年

遯

早霜晚雪傷害禾麥損功棄力飢无所食

詳需之咸

壯大

代戍失期患生无聊懼以發難開藏閉塞邦國

騷愁

上三句末句中孚之大有文宜剛附注代戍見左傳

第四句衍莊八年

晉

昊天白日照臨我國萬民康寧咸賴嘉福

井上之

二句末句大有之損

明夷

元吉无咎安寧不殆時行則行勿之有悔

上二句損

之臨次句剝之斯明夷之豐

家人

懿

懿之俗後並同

公淺愚不受深謀无援失國爲狄所

賊

睽之師革之益

睽

城上有烏自號破家招呼醜毒爲國患災

益之坤首

句下二句詳坤之蒙

蹇

長股喜走趨步千里王良嘉喜伯樂在道申見

王母

喜走之喜當作善附注說文趨趙父也

解 耕石山顛費種家貧無聊虛作苗髮不生

損 二人異路東趨一作趨西步千里之外不相知處

蠱之師小過之萃

益 純服黃裳戴上以興德義茂生天下歸仁上二句末

句乾之頤

夬 玉銳鐵頤倉庫空虛市賈无贏與利為仇晉之鼎解

之姤 王當作下鐵當作欽一從俗作欽為欽之形誤下銳欽頤言相人也周語其狀方上而

銳下光目觸人列子湯問領其頤則歌合律後漢書周燮傳作欽頤注曲領也

姤 登崑崙昆侖之俗入天門過糟邱宿玉泉開惠

觀見仁君革之困震之革次句豫之旅 惠觀疑當作桂觀史記武帝紀上令長安

作蜚廉柱觀候神人仁
君當如履之允作真君

萃

團團白日爲月所食損上毀下鄭昭出走

下三何家

人之小畜

升

倉盈庾億宜稼黍稷年豐歲熟國家富有

上二何發

小過之咸首句乾之師坤之恆第三句詳坤之恆第四句詳乾之師

困

狼虎結謀相聚爲侮伺嚙

敵之俗後並同

牛羊道絕不

通病我商人

大畜之復既濟之艮第四句小畜之乾大壯之大過井之晉末句无

妄之失

井

中年摧折常恐不活老賴福慶光榮相輔

革

同載共車中道分去喪我元夫獨爲孤苦

首三句

句隨之比蹇上二
句大畜之小過

鼎

飲酒醉酗跳躍爭鬪伯傷叔僵東家治喪

首句下二

句大畜之晉益之蒙
升之復既濟之萃

震

出值凶災逢五赤頭操矢无括趣釋爾財俛伏

聽命不敢動搖

下四句无妄之中孚兌之否
附注赤頭見晉書天文志

艮

狼虎爭強禮義不行兼吞其國齊晉无王

小畜之隨

恆之困次句賁之鼎 牟云其當作六云升案
晉謂韓趙魏舉齊晉以桀六國也晉作魯者非

漸

南國少子才略美好求我長女賤薄不與反得

醜惡後乃大悔

秦之震噬嗑之夬
漸之困渙之巽

歸妹

一身兩頭莫適其軀无見我心亂不可治

恆之泰

豐

屏驚恐怯任劣力薄如蝟見鵲偃視以腹不敢

距格

詳乾之萃

旅

松柏棟梁相輔爲強入敷五教王室寧康

次句詳屯

履之

翼

雀行求食暮歸孚乳反其室舍安寧如故

首句履之

睽大有之萃下二句履之睽末句大畜之中孚咸之頤革之坎

兌

四尾六頭爲凶作妖陰不奉陽上失其明

第三句離

隨之

渙

一旅三關結緝不便岐道異路日暮不到

革之坤

附注結緝與同人相結合也李自詩旅情初結緝蓋本於此

節

牙槩

元譌作葉今改正後並同

生齒室堂啟戶幽人利貞鼓

翼起舞

臨之妬寒之觀震之晉小過之蒙第三句解之小畜牙當作芽牙槩見小畜

之睽遯之兌

孚中

春鴻飛東以馬貨金利得十倍重載歸鄉漸上之

二句大壯之小過第三句咸之訟豐豐之旅牟云貨當作賀方言賀瞻也凡以驢馬駝駝載物者謂之負亦謂之賀

歡說以喜子孫俱在守強能忍不見殃咎

濟既過小

精神消落形骸醜惡齟齬頓挫枯槁腐蠹下三句豫

之履觀之解

濟未

登高上山見王自言申理我冤得職蒙恩詳需之未

齊

卷之二